

Xon⁴xi³ pa²stro⁴Pablo qui³squi³-le⁴cho⁴ta⁴gálatas

Pablo si¹ti²nta³

¹ An³ nia¹³ Pablo, xi³ pa²stro⁴, xi³ tsi² ts⁷e⁴-jin² xa¹-le⁴ cho⁴ta⁴son³nte³, ni⁴je²-jin² cho⁴ta⁴son³nte³ xi³ qui³tsjoa³-na³ xa¹. To⁴nca³ Jesucristo, c⁷oa⁴ Ni³na¹ N⁷ai³-na¹ xi³ qui³si³cja³a³ya³jin³-ni³le⁴ c⁷en³ Jesús, je² xi³ qui³tsjoa³-na³ xa¹.

² An³ Pablo cao⁴ nca³ts⁷i³ nts⁷e³² xi³ i⁴ tjio¹cao⁴-na³ ti³chji³lai²⁴-jin⁴ jon² xi³ na⁴xi⁴na³nta¹-le⁴ Cristo ⁷mi²-no³ ya⁴ Galacia.

³ Cjoa⁴nta³ ca²ta³tsjoa¹-no³, ca²ta³si¹qui³njen³nch⁷an¹jin³ ni⁴ma⁴-no³ je² Ni³na¹ N⁷ai³-na¹ cao⁴ Nai³-na¹ Jesucristo.

⁴ Je² Jesucristo xi³ ti⁴je² qui³tsjoa-ni³ yao³-le⁴ t⁷a³ts⁷e⁴ je¹-na¹, jme¹-ni³ nca³ c⁷oa⁴sje³ntjai²-si¹ni³na¹ coi³ni⁴čhjin³je²-vi⁴xi³ ch⁷ao³tjin¹, jo³-s⁷in² nca³ me³-le⁴ Ni³na¹ N⁷ai³-na¹.

⁵ Je² Ni³na¹ ca²ta³vi³tjo³je³ya³ nca³ntsjai² nca³ntsjai². C⁷oa⁴ ca²ta³ma³.

To⁴jnc³en¹nta³xi³tjin¹xi³t⁷a³ts⁷e⁴Cristo

⁶ Cjai¹nca³ to⁴cji³ma³xcon¹-na³ nca³ c⁷oa⁴-s⁷in² nti⁴ton⁴ qui³ni²c⁷o¹fa³t⁷a³-lao⁴³je²xi³qui³nchja⁴-no³t⁷a³ts⁷e⁴je²cjoa⁴nta³-le⁴Cristo, nca³cja⁴ai¹en¹t³a³nquin¹t⁷a³-lao⁴³.

7 Li²coi³-jin² tjin¹ nqui²jnc³ en¹ xi³ ti⁴coi³-ni³, to⁴nca³ tjin¹ c⁷a³ xi³ vi³ncha¹sca¹-no³, xi³ me³-le⁴ nca³ si⁴²c⁷a³ntjai²ya³ je² en¹nta³ xi³ t⁷a³ts⁷e⁴ Cristo.

8 C⁷ia⁴² tsa² jin⁴-jin⁴, a³xo⁴ tsa² jnc³ a²ncje⁴-je⁴ xi³ ts⁷e⁴ nc⁷a³jmi³ coi⁴nchja⁴ya³j³in³-no³ xi³ cja⁴⁷ai¹ en¹ xi³ tsi² tsa² coi³ xi³ jin⁴-jin⁴ qui³no²cjoa⁴ya³j³in³-lai²⁴j⁴in⁴, to⁴jña³ ca²ta³fi²cha³j³in³.

9 Jo³ tsa³qui³xoin¹⁴-jin⁴ nca³ ti¹tjon², nt⁷ai⁴-vi⁴ ti⁴c⁷oa⁴²ti⁴ xin³-nca¹nia³: Tsa² jnc³ xi³ coi⁴nchja⁴ya³j³in³-no³ xi³ cja⁴⁷ai¹ en¹ cao⁴-ni³ tsa² je² xi³ qui³chjoe¹tjao²³, to⁴jña³ ca²ta³fi²cha³j³in³.

10 A³ ts⁷e⁴ cho⁴ta⁴ je² cjoa⁴nta³ xi³ va³sje²³ nt⁷ai⁴ a³xo⁴ ts⁷e⁴ Ni³na¹ ni¹. A³ va³sjai³-nia¹³ nca³ si³tsjoa³-le⁴ cho⁴ta⁴. Xi³ cjoa⁴qui²xi⁴ ni¹, tsa² an³ si³tsjoa³-le⁴ cho⁴ta⁴, a³li² cho⁴-²nta³-le⁴ Cristo-jian²³⁷ni³.

Jesucristo qui³si³c⁷a³tsen³j³in³-le⁴ Pablo je² en¹nta³

11 To⁴nca³ si³cji³nch⁷oe¹-no³, nts⁷e³, je² en¹nta³ xi³ t⁷a³-ts⁷e⁴ Cristo xi³ an³ qui³nchja²ya³j³ian³, a³li² je²-jin² xi³ cho⁴ta⁴ nchja⁴.

12 Ni⁴cho⁴ta⁴-jin² qui³tsjoa³-na³, ni⁴cho⁴ta⁴-jin² tsa³ca³co¹ya³-na³, to⁴je² Jesucristo xi³ qui³si³c⁷a³tsen³j³in³-na³ je² en¹nta³-vi⁴.

13 Je³qui³no²⁷yao²³ jo³-s⁷in² ts⁷a³mjen³coa⁴ yao³-na⁴ nca³s⁷a⁴, jo³-s⁷in² s⁷in¹ cho⁴ta⁴ judío, nca³ n⁷ion¹ qui³tjen⁴nqui³ co²ntran⁴-le⁴ je² na⁴xi⁴na³nta¹-le⁴ Ni³na¹, c⁷oa⁴ coan³me³-na³ nca³ qui³si³cha³.

14 Ncjin² coain³-jin⁴ xi³ to⁴nco¹son² tjin¹ no¹-le⁴ cho⁴ta⁴na⁴xi⁴na³nta¹-na⁴, to⁴nca³ an³ ja²⁷a⁴ti¹tjon²-le⁴ xi³ t⁷a³tse⁷e⁴ cjoa⁴-le⁴ cho⁴ta⁴ judío, nca³ an³ n⁷ion¹ qui³si³tjo³soan²³ jo³ qui³s⁷in³ cho⁴ta⁴jchi¹nca³-na⁴.

15 To⁴nca³ Ni³na¹ xi³ c⁷oa⁴-s⁷in² tsa³cja⁷a¹j³in³-na³ jo³ sa³nta³ nca³ cje³ tsin³-j³ian²³, xi³ cao⁴ cjoa⁴nta³-le⁴ qui³nchja⁴-na³. C⁷ia⁴ nca³ qui³sa³sen³-le⁴

16 Ni³na¹ qui³si³c⁷a³tsen³j³in³-na³ je² ⁷nti¹-le⁴, jme¹-ni³ nca³ coi³nchja²ya³j³in³-si¹ni³le⁴ cho⁴ta⁴ xi³ li² judío-jin² xi³ t⁷a³tse⁷e⁴ je² ⁷nti¹-le⁴. An³ a³li²ya³ xi³ qui³si³je¹ nti⁴ton⁴-le⁴ cjoa⁴qui²xi⁴-le⁴.

17 Ni⁴ya⁴-j³in² Jerusalén qui³ co³tsen³mi³-le⁴ je² xi³ pa²stro⁴ coan³ nqui²sa⁴ ti¹tjon² cao⁴-ni³ tsa² an³, to⁴nca³ ya⁴ Arabia quia³, c⁷ia⁴ nqui²ntia³ je²e⁴-nia³ Damasco.

18 C⁷ia⁴ nca³ je³coan³ jan²-ni³ no¹, qui³mia³ ya⁴ Jerusalén. Qui³con³-le⁴ Pedro. Chja³aon² ni⁴čhjin³ tsa³ca²te⁴jna³coa⁴.

19 Li²coi³ ti⁴tsa³ve³-nia³ xi³ cja⁴ai¹ pa²stro⁴, to⁴je² Jacobo nts⁷e⁴ je² Nai³-na¹ xi³ tsa³ve³.

20 Ne³⁴, nqui³xcon⁴ Ni³na¹, a³li² en¹nti³so³-j³in² xi³ an³ ti²cja³.

21 C⁷ia⁴ coan³scan³-ni³ quia³ ya⁴ ⁷nte³-le⁴ Siria cao⁴ ya⁴ Cilicia.

22 To⁴nca³ li²coi³ tsa³ve³xcon³-na³ je² na⁴xi⁴na³nta¹-le⁴ Cristo xi³ tjo¹ ya⁴ Judea.

23 To⁴coi³ xi³ qui³nčh⁷oe¹ na⁴xi⁴na³nta¹-ve⁴: Je² xi³ nca³s⁷a⁴ qui³tjen⁴nqui³ co²ntran⁴-na¹, nt⁷ai⁴-vi⁴ ti¹nchja⁴ya³j³in³ je² en¹ xi³ ma³cjain¹-na¹, je² en¹-vi⁴ xi³ nca³s⁷a⁴ coan³me³-le⁴ nca³ si⁴cha³.

24 C⁷oa⁴-s⁷in² ts⁷a³sje³je³ya³ Ni³na¹ xi³ to⁴t⁷a³ts⁷an⁴.

2

1 C⁷ia⁴ nca³ je³coan³-ni³ te³ño³ no¹, qui³mi³ nqui²ntia³-nca¹nia³ cao⁴ Bernabé ya⁴ Jerusalén.

C⁷oa⁴-ti⁴ qui³-coa⁴ Tito-je⁴.

2 To⁴coi³ nca³ Ni³na¹ qui³si³c⁷a³t³sen³jin³-na³ nca³ qui³-si¹nia³. Qui³ ca³co³-le⁴ je² en¹nta³ xi³ t⁷a³ts⁷e⁴ Cristo xi³ nchja²ya³jin³-le⁴ cho⁴ta⁴ xi³ li² judío-jin². T⁷a³xin² tsa³ca³co³-le⁴ je² xi³ t³sen³ cjoan³ nca³ nc⁷a³ xa¹-le⁴, jme¹-ni³ nca³ tsi² tsa² to¹ca³-si¹nia³ xi³ to⁴cjoa⁴tjao², c⁷oa⁴ jme¹-ni³ nca³ tsi² tsa² qui³to²ca³-si¹nia³ xi³ to⁴cjoa⁴tjao².

3 Ni⁴je²-jin² Tito xi³ ya⁴ tsa³c⁷e²jna³cao⁴-na³, li²coi³ cjoa⁴n⁷ion¹ qui³n⁷ian²-le⁴ nca³ cjoa⁴circuncisión coan³-le⁴, nta³ tsa² cho⁴ta⁴ griego ni¹.

4 To⁴nca³ tj³in¹ c⁷a³ xi³ to⁴nts⁷e⁴nti³so³ xi³ qui³chja³⁷a²s⁷en³cao⁴⁷ma³. Ja³⁷a³s⁷en³cao⁴⁷ma³ jme¹-ni³ nca³ scoe⁴che¹-si¹ni³ jo³-s⁷in² nca³ ntai¹ ti³yo³coa⁴² Cristo Jesús, c⁷oa⁴ jme¹-ni³ nca³ si⁴²ca³tio²n⁷ion¹-si¹ni³na¹ jo³-ni³ tsa² cho⁴⁷nta³.

5 Xi³ coi³ ni⁴jnc³-jin² hora tsa³c⁷ai²⁷nte³-lai⁴jin⁴ nca³ na³nqui³ tsa³qui³yo³⁴-jin⁴, jme¹-ni³ nca³ je² cjoa⁴qui²xi⁴ xi³ ts⁷e⁴ je² en¹nta³ xi³ t⁷a³ts⁷e⁴ Cristo c⁷oe¹jna³ntsja²-si¹ni³ xi³ t⁷a³tsaon⁴³.

6 To⁴nca³ je² xi³ t³sen³ cjoan³ nca³ nc⁷a³ xa¹ tj³in¹-le⁴, (jo³-s⁷in² tsa³ca³tio² nca³s⁷a⁴ li²jme³ coi²nta⁴-na³, nca⁴ Ni³na¹ li²coi³ fa³⁷a¹jin³ jo³ cjoan³ cho⁴ta⁴) cjoa⁴qui²xi⁴ ni¹ je² xi³ nc⁷a³ xa¹-le⁴ ni⁴jme³-jin²sa³ xi³ qui³tsjoa³-na³ nca³ an³.

7 To⁴sa³ c⁷ia⁴ tsa³ve³ jo³-s⁷in² nca³ Pedro qui³s⁷e³ne²-le⁴ xa¹ nca³ tsjoa¹-le⁴ je² cho⁴ta⁴ xi³ ts⁷e⁴ cjoa⁴circuncisión je² en¹nta³ xi³ t⁷a³ts⁷e⁴ Cristo. Ti⁴c⁷oa⁴-s⁷in²ni³ qui³s⁷e³ne²-na³ xa¹ nca³ an³ tsjoa³-le⁴ je² cho⁴ta⁴ xi³ tsi² ts⁷e⁴ cjoa⁴circuncisión je² en¹nta³ xi³ t⁷a³ts⁷e⁴ Cristo.

8 (Je² xi³ qui³tsjoa³ nca³n⁷ion¹-le⁴ Pedro nca³ pa²stro⁴ coan³ xi³ t⁷a³ts⁷e⁴ cho⁴ta⁴ xi³ ts⁷e⁴ cjoa⁴circuncisión, c⁷oa⁴-ti⁴s⁷in² qui³tsjoa³ nca³n⁷ion¹-na³ nca³ an³ nca³ pa²stro⁴ coan³ xi³ t⁷a³ts⁷e⁴ cho⁴ta⁴ xi³ li² judío-jin².)

9 C⁷ia⁴ nca³ tsa³ve³ je² cjoa⁴nta³ xi³ an³ tsa³c⁷ai²-na³, Jacobo, cao⁴ Cefas, cao⁴ Juan, xi³ jo³-ni³ cho⁴ta⁴ti¹tjon² nca⁴ c⁷oa⁴-s⁷in² tjin¹-le⁴ nca³n⁷ion¹, qui³tsjoa³-na³j⁴in⁴ ntsja³ nca³ tsa³qui³mai³coai⁴-j⁴in⁴ xi²nqui⁴-j⁴in⁴ Bernabé cao⁴ an³, jme¹-ni³ nca³ j⁴in⁴ coa³nquin¹nch⁷oe²-si¹ni³j⁴in⁴ cho⁴ta⁴ xi³ li² judío-jin², c⁷oa⁴ je² coai⁴nch⁷oe² cho⁴ta⁴ xi³ ts⁷e⁴ cjoa⁴circuncisión.

10 To⁴coi³ qui³si³je¹-na³j⁴in⁴ nca³ li²coi³ cha³j⁴in³-na³j⁴in⁴ xi³ cho⁴ta⁴yo⁴ma⁴. Xi³ to⁴coi³ c⁷oa⁴-ti⁴ an³ cjai¹nca³ nta³ qui³si³xi¹ti¹ya³-le⁴ yao³-na⁴.

Pablo nchja⁴ti³cao⁴ Pedro ya⁴ Antioquía

11 To⁴nca³ c⁷ia⁴ nca³ ja³⁷ai³ Pedro ya⁴ Antioquía, tsa³ca²te⁴jna³ta²ja³-le⁴ nca³ qui³cho³va²⁷ai³⁴-j⁴in⁴, nca⁴ je² tjin¹-le⁴ je¹.

12 C⁷ia⁴ nca³ cje³ fa³⁷ai³-j⁴in² c⁷a³ xi³ ji³nchoa³t⁷a³-ni³le⁴ Jacobo, Pedro tsa³cjen²cao⁴ cho⁴ta⁴ xi³ li² judío-jin², to⁴-nca³ coan³scan³-ni³, nca³ ja³⁷ai³, qui³si³c⁷o¹fa³ya³jton³-le⁴, to⁴tsa³ca³sen²xin²-ni³, nca⁴ qui³tsa³cjon¹-le⁴ cho⁴ta⁴ xi³ ts⁷e⁴ cjoa⁴circuncisión.

13 C⁷oa⁴-ti⁴ xi³c⁷a³-sa³ cho⁴ta⁴ judíos cho⁴ta⁴jao²ncjain¹ coan³ cao⁴ je². C⁷oa⁴-ti⁴s⁷in² nta³ tsa² Bernabé qui³t⁷a³-le⁴ cjoa⁴jao²ncjain¹-le⁴.

14 To⁴nca³ c⁷ia⁴ nca³ tsa³⁷ve³ nca³ tsi²-ni³ tsa² cao⁴ cjoa⁴qui²xi⁴ xi³ tjio¹ma³-ni³ xi³ t⁷a³ts⁷e⁴ je²

en¹nta³ xi³ t'a³ts'e⁴ Cristo, c'o²oi⁴qui³xin³-le⁴ Pedro nqui³xcon⁴ nca³ts'i³: Tsa² ji³, nca³ cho⁴ta⁴ judío 'mi²-li², c'o²oa⁴-ti⁴s'in² 'mi³coai⁴ yao³-li⁴ jo³-ni³ cho⁴ta⁴ xi³ li² judío-jin², a³li²coi³ c'o²oa⁴-s'in² jo³-ni³ cho⁴ta⁴ judío, jo¹-s'in²ni³ nca³ cjoa⁴n'ion¹ n'ian²-ni³lai⁴ cho⁴ta⁴ xi³ li² judío-jin², nca³ c'oe¹yo³ jo³-ni³ cho⁴ta⁴ judío.

15 Ña¹ xi³ qui³tsin³jin³-le⁴² cho⁴ta⁴ judíos, a³li² tsa² cho⁴ta⁴je¹-jian² xi³ ts'e⁴ cho⁴ta⁴ xi³ li² judío-jin².

16 'ya³-nia¹ nca³ cho⁴ta⁴son³⁷n³te³ li²coi³ fe³t'a³ je¹-le⁴ nca⁴ c'o²oa⁴s'in¹ jo³ tso² cjoa⁴te¹xo³ma³, to⁴nca³ coi³ nca³ ma³cjain¹-le⁴ t'a³ts'e⁴ Jesucristo. C'o²oa⁴-ti⁴ ña¹ coan³cjain¹-na¹ t'a³ts'e⁴ Jesucristo, jme¹-ni³ nca³ cjoe⁴t'a³-si¹ni³ je¹-na¹ nca⁴ ma³cjain¹-na¹ t'a³ts'e⁴ Cristo, a³li² tsa² coi³ nca³ c'o²oa⁴n'ian² jo³ tso² cjoa⁴te¹xo³ma³. Ni⁴'ya³-jin² xi³ c'o²oa⁴-s'in² fe³t'a³ je¹-le⁴ nca⁴ c'o²oa⁴s'in¹ jo³ tso² cjoa⁴te¹xo³ma³.

17 Tsa² c'o²oa⁴-ti⁴ ña¹ coan⁴sjai³ nca³ cho⁴ta⁴je¹ 'mi²-na¹, nca³ coi⁴jnchi¹sje² nca³ cjoe⁴t'a³ je¹-na¹ xi³ to⁴t'a³ts'e⁴ Cristo, a³ si¹xa¹-le⁴ je¹ Cristo. Ni⁴'i⁴tse¹-jin².

18 Tsa² je² cjoa⁴ xi³ an³ qui³si³cji³tsoan²³, ti⁴coi³ c'oe³nta³ya³ nqui²jnco³c'a²-nia³, a³ tsi² coa³coa³ yao³-na⁴ nca³ cho⁴ta⁴je¹ coan³.

19 An³ ti²jna⁴c'en³ xi³ to⁴t'a³ts'e⁴ cjoa⁴te¹xo³ma³. Je³ti²jna⁴c'en³ xi³ t'a³ts'e⁴ cjoa⁴te¹xo³ma³, jme¹-ni³ nca³ coa²te⁴jna³con³-si¹nia³ xi³ t'a³ts'e⁴ Ni³na¹.

20 C'ia⁴ nca³ Cristo tsa³c'e²jna³ c'en³ ya⁴t'a³ cro², c'o²oa⁴-ti⁴ an³ to⁴jo³ c'o²oa⁴-s'in² tsa³ca²te⁴jna³ c'en³, to⁴nca³ ti²jna⁴coan³, li²coi³ ti⁴an³-nia³, to⁴nca³ Cristo ti¹jna³con³ ja⁴jin³ ni⁴ma⁴-na⁴. Je²

cjoa⁴vi³jna³chon³ xi³ nt²ai⁴-vi⁴ ti²jna⁴con³-nia³ yao³-na⁴, ti²jna⁴coan³ nca⁴ ma³cjain¹-na³ t²a³ts⁷e⁴ je² nti¹-le⁴ Ni³na¹, xi³ coan³tsjoa³que³-na³, xi³ qui³tsjoa³ntjai² yao³-le⁴ xi³ t²a³ts⁷an⁴.

21 Li²coi³ si³qui³tson¹ya³ je² cjoa⁴nta³-le⁴ Ni³na¹. Tsa² to⁴t²a³ts⁷e⁴ cjoa⁴te¹xo³ma³ fe³t²a³ je¹-na¹, c²oa⁴ c²ia⁴² to⁴cjoa⁴tjao²-ni³ni³ c²en³ Cristo.

3

Je² Espíritu Santo tjoe¹-na¹ nca⁴ coan³cjain¹-na¹

1 Ne³⁴ cho⁴ta⁴ gálatas xi³ sca¹ya³-no³. Ya⁴ nqui³xcon³ nca³ jon² Jesucristo je³-sa³ qui³sa³sen³tsen³jjin³-no³ jo³ coan³ nca³ tsa³c²e²jna³ c²en³ ya⁴t²a³ cro². ²ya¹-ni³ xi³ tsa³c²e¹xcon¹-no³ nca³ c²oa⁴-s²in² coan³ch²ao³-no³.

2 To⁴coi³-vi⁴ xi³ me³-na³ nca³ scoe³ xi³ t²a³t²saon⁴³: A³ qui³tjoe¹-no³ je² Espíritu Santo nca⁴ c²oa⁴qui³n²iaon²³ jo³ tso² cjoa⁴te¹xo³ma³, a³xo⁴ nca⁴ coan³cjain¹-no³ nca⁴ qui³no²⁷yao²³.

3 A³ c²oa⁴-s²in² sca¹ya³-no³. Tsa³c²e²ts⁷iao⁴³ xi³ to⁴t²a³ts⁷e⁴ je² Espíritu Santo, nt²ai⁴-vi⁴ a³ si⁴jnc³-nio¹³ xi³ to⁴t²a³ts⁷e⁴ yao³-no³.

4 A³ to⁴cjoa⁴tjao²-ni³ nca³ c²oa⁴-s²in² qui³chja³⁷ao²³ cjoa⁴n²ain³. Tsa² cjoa⁴qui²xi⁴ nca³ to⁴cjoa²tjao²-ni³.

5 Je² xi³ c²oa⁴-s²in² tsjoa¹j¹in³ ni⁴ma⁴-no³ je² Espíritu Santo, je² xi³ to⁴tse³ cjoa⁴xcon¹ qui³s²in³j¹in³-no³, a³ c²oa⁴qui³s²in³ nca⁴ c²oa⁴qui³tso² cjoa⁴te¹xo³ma³, a³xo⁴ nca⁴ coan³cjain¹-no³ nca⁴ qui³no²⁷yao²³.

Je² cjoa⁴ xi³ Ni³na¹ tsa³c²e¹n²ion¹ cao⁴ Abraham

6 Abraham coan³cjain¹-le⁴ xi³ t⁷a³ts⁷e⁴ Ni³na¹. C⁷oa⁴-s⁷in² coan³xqui⁴cao⁴ nca³ tj¹in¹-le⁴ cjoa⁴qui²xi⁴.

7 C⁷oa⁴-s⁷in² ?ya³-nio¹³ nca³ je² xi³ ma³cjain¹-le⁴, je² ni¹ xi³ ?nti¹-le⁴ Abraham ma³.

8 Je² xon⁴ Escritura to⁴nqui³-ni³ tsa³ve³ nca³ c⁷oa⁴-s⁷in² Ni³na¹ si⁴²cje³t⁷a³ je¹-le⁴ cho⁴ta⁴ xi³ li² judío-jin² xi³ to⁴t⁷a³ts⁷e⁴ nca³ coan⁴cjain¹-le⁴. To⁴nqui³-ni³ qui³nchja⁴ya³-le⁴ Abraham je² en¹nta³-vi⁴: Xi³ to⁴t⁷a³tsi⁴ coan⁴chi³con³t⁷ain³ nca³ts⁷i³ na⁴xi⁴na³nta¹i⁴ son³?nte³.

9 C⁷oa⁴-s⁷in² je² cho⁴ta⁴ xi³ ma³cjain¹-le⁴ ma³chi³con³t⁷ain³ cao⁴ je² Abraham, xi³ c⁷oa⁴-ti⁴s⁷in² coan³cjain¹-le⁴.

10 Je² nca³ts⁷i³ xi³ ma³cjain¹-le⁴ nca³ ma³chjen¹ nca³ c⁷oa⁴s⁷in¹ jo³ tso² cjoa⁴te¹xo³ma³, to⁴c⁷oa⁴-s⁷in² ti¹jna³ne²-le⁴ cjoa⁴ñ⁷ain³. Nca⁴ tji¹t⁷a³: Ca²ta³v⁷e²jna³ne²-le⁴ cjoa⁴ñ⁷ain³ nca³ts⁷i³ xi³ tsi² v⁷e¹j¹in³con³ntsjai² nca³yi³je³ cjoa⁴ xi³ tjio¹t⁷a³ je² xon⁴ xi³ ts⁷e⁴ cjoa⁴te¹xo³ma³, nca³ c⁷oa⁴-s⁷in² si⁴²tjo³son².

11 To⁴nca³ je³ti¹?ya³-le⁴ nca³ ni⁴?ya³-jin² xi³ je² cjoa⁴te¹xo³ma³ si¹cje³t⁷a³ je¹-le⁴ nqui³xcon⁴ Ni³na¹. Je² xi³ tj¹in¹-le⁴ cjoa⁴qui²xi⁴ nca⁴ ma³cjain¹-le⁴, c⁷oa⁴-s⁷in² c⁷oe¹jna³con³.

12 C⁷oa⁴-ti⁴ je² cjoa⁴te¹xo³ma³ t⁷a³xin² ti¹jna³-le⁴ xi³ ma³cjain¹-na¹, to⁴nca³ c⁷oa⁴tso²: Je² cho⁴ta⁴ xi³ je³qui³si³tjo³son² je² cjoa⁴-vi⁴, c⁷oa⁴-jin²s⁷in² c⁷oe¹jna³con³ xi³ to⁴t⁷a³ts⁷e⁴.

13 Je² Cristo tsa³c⁷e¹chji¹ntjai²-na³jin⁴ t⁷a³ts⁷e⁴ cjoa⁴ñ⁷ain³-le⁴ cjoa⁴te¹xo³ma³, nca³ je²

tʰsa³c²e²jna³ne²-le⁴ cjoa⁴ñʰain³-na⁴jin⁴. Nca⁴ tji¹tʰa³:
Ña³qui³ cjoa⁴ñʰain³ ti¹jna³ne²-le⁴ to⁴⁷ya³-ni³ xi³ ya⁴
tsjen³tjen⁴vʰa³nqui³tʰa³ ya¹.

14 Cristo tʰsa³c²e¹chji¹ntjai²-na³jin⁴ jme¹-ni³
nca³ coan⁴chi³con³tʰain³-si¹ni³ xi³ to⁴tʰa³tsʰe⁴
Cristo Jesús cho⁴ta⁴ xi³ li² judío-jin², jo³-sʰin²
coan³chi³con³tʰain³ Abraham, cʰoa⁴ jme¹-ni³ nca³
qui³chjoe¹-si¹nia³² je² Espiritu Santo xi³ Ni³na¹
qui³tsjoa³-na¹ tsʰoa³ nca³ tsjoa¹-na¹ xi³ to⁴tʰa³tsʰe⁴
nca³ coan³cjain¹-na¹.

15 ʰnti¹ntsʰe³, nchja²-nia³ jo³-sʰin² nchja⁴ cho⁴ta⁴:
Cʰia⁴ nca³ ña³qui³ tji¹nta³ jnco³ cjoa⁴ xi³ cho⁴ta⁴
vʰe¹nʰion¹, a³li²ʰya³ xi³ si⁴²qui³tson²ya³, ni⁴vʰe¹tʰa³-
jin²sa³ xi³ cja⁴⁷ai¹ tso².

16 Je² Abraham xi³ cʰoa⁴-sʰin² qui³ni²sʰe³nqui³-
le⁴, cao⁴ ntje⁴-le⁴. A³li²coi³ tso²: Tʰa³tsʰe⁴ nca³tsʰi³
ntje⁴, jo³-ni³ tsa² ncjin² ma³ ntje⁴, to⁴nca³ jo³-ni³
tsa² to⁴jnco³ ma³, tso²: Tʰa³-tsʰe⁴ je² to⁴jnco³ ntje⁴
xi³ tsi⁴, je² ni¹ xi³ Cristo.

17 Je²-vi⁴ xi³ cʰoi⁴xian³: Je² cjoa⁴te¹xo³ma³
xi³ qui³sʰe³ ño³ ciento cao⁴ can³te² no¹
coan³scan³-ni³, li²coi³ si¹qui³tson²ya³ je² cjoa⁴ xi³
Ni³na¹ je³tsa³c²e¹nʰion¹ cao⁴ Cristo. Nca⁴ tsa²
qui³si³qui³tson²ya³ je² cjoa⁴, cʰia⁴ tsi²jme³ xi³ chji¹-
le⁴ tsa²cai³-ni³ je² cjoa⁴ xi³ Ni³na¹ qui³tsjoa³ tsʰoa³
nca³ tsjoa¹.

18 Tsa² je² cjoa⁴tjao² xi³ sʰe³-na¹, tsa² to⁴tʰa³tsʰe⁴
je² cjoa⁴te¹xo³ma³, cʰia⁴ li²coi³ to⁴tʰa³tsʰe⁴ je² xi³
Ni³na¹ qui³tsjoa³ tsʰoa³ nca³ tsjoa¹. To⁴nca³ Ni³na¹
qui³tsjoa³cjoa⁴tjao²-le⁴ Abraham, nca⁴ cʰoa⁴-sʰin²
qui³tsjoa³-le⁴ tsʰoa³.

Je² cjoa⁴te¹xo³ma³ ca³ni¹t⁷a³-na¹ Cristo

19 Jo¹-s⁷in² ma³chjen¹ je² cjoa⁴te¹xo³ma³ tso²c⁷oa⁴. To^{4t}7a³ts⁷e⁴ cjoa⁴ts⁷a³ntjai²cjoa⁴ qui³s⁷e³jna³, sa³⁷nta³ nca³ ja³⁷ai³ je² ntje⁴ xi³ Ni³na¹ qui³tsjoa³-le⁴ ts⁷oa³. Je² a²ncje⁴ xi³ c⁷oa⁴-s⁷in² tsa³c⁷e¹ne²-le⁴, c⁷oa⁴ qui³ni²⁴ntsja³ je² xi³ tsa³cja³yo³jjin³-le⁴.

20 Je² xi³ fa³yo³jjin³-le⁴ a³li² to⁴jnc³-jin² xi³ fa³jjin³-le⁴, to⁴nca³ Ni³na¹ to⁴jnc³-ni¹ nca³ je².

21 Je² cjoa⁴te¹xo³ma³, a³ co²ntran⁴-le⁴ ni¹ je² xi³ Ni³na¹ qui³tsjoa³ ts⁷oa³ nca³ tsjoa¹. Ni⁴⁷i⁴tse¹-jin². Tsa² qui³ts⁷ai²-le⁴ cjoa⁴te¹xo³ma³ xi³ coan³-le⁴ qui³si³c⁷e¹yo³con³ tsa²cai³, cjoa⁴qui²xi⁴-jin²ni¹ nca³ to^{4t}7a³ts⁷e⁴ cjoa⁴te¹xo³ma³-ve⁴ fe³t⁷a³ je¹-le⁴ cho⁴ta⁴.

22 To⁴nca³ je² xon⁴ Escritura qui³si³c⁷e¹yo³n⁷ion¹nqui³ je¹ nca³ts⁷i³ cho⁴ta⁴, jme¹-ni³ nca³ c⁷oai⁴-si¹ni³le⁴ cho⁴ta⁴ je² xi³ qui³ni²s⁷e³nqui³-le⁴, tsa² ma³cjain¹-le⁴ t⁷a³ts⁷e⁴ Jesucristo.

23 To⁴nca³ c⁷ia⁴ nca³ cje³ fa³⁷ai³ai-jin²sa³ je² xi³ ma³cjain¹-na¹, to⁴ya³ tsa³qui³yo³tjao²nqui³-le⁴² cjoa⁴te¹xo³ma³. C⁷oa⁴-s⁷in² tsa³qui³yo³n⁷ioan¹, jme¹-ni³ nca³ coan⁴cjain¹-si¹ni³na¹ t⁷a³ts⁷e⁴ je² xi³ s⁷a⁴ coan⁴tsen³.

24 C⁷oa⁴-s⁷in² cjoa⁴te¹xo³ma³ jo³-ni³ tsa² cho⁴⁷nta³ coan³, xi³ qui³sca³ni¹t⁷a³-na¹ ya⁴ Cristo, jme¹-ni³ nca³ cjoe^{4t}7a³-si¹ni³ je¹-na¹ xi³ to^{4t}7a³ts⁷e⁴ nca³ ma³cjain¹-na¹.

25 To⁴nca³ c⁷ia⁴ nca³ ja³⁷ai³ xi³ ma³cjain¹-na¹, li²coi³ ti⁴ti³yo³nqui³-ni³le⁴² je² cho⁴⁷nta³-ve⁴.

26 Xti³-le⁴ Ni³na¹ nio¹³ nca³ts⁷io³, xi³ to^{4t}7a³ts⁷e⁴ nca³ ma³cjain¹-no³ t⁷a³ts⁷e⁴ Cristo Jesús.

27 Jon² nca³ts⁷io³ xi³ qui³sa³te³nta³-nio³ t⁷a³ts⁷e⁴ Cristo, c⁷oa⁴-s⁷in² tsa³c⁷e²ts⁷iao⁴³ nca³ tsa³qui³yo³chon³t⁷a³-lao⁴³ Cristo.

28 Tsin² cho⁴ta⁴ judío-jin², ni⁴cho⁴ta⁴ griego-jin². Tsin² xi³ cho⁴nta³-jin², ni⁴ xi³ tjio¹ntai¹-jin². Tsin² xi³ x⁷in⁴-jin², ni⁴ya¹nchjin¹-jin². Nca³ts⁷io³ to⁴jnc³-nio¹³ nca³ ti³yo³cao⁴³ Cristo Jesús.

29 C⁷ia⁴ tsa² jon² ts⁷e⁴ Cristo mao³, ña³qui³ cjoa⁴qui²xi⁴ nca³ ntje⁴-le⁴ Abraham mao³-⁷ni³, c⁷oa⁴-ti⁴ tj¹in¹-no³ cjoa⁴tjao² jo³-s⁷in² nca³ Ni³na¹ qui³tsjoa³ ts⁷oa³ nca³ tsjoa¹.

4

1 C⁷oa⁴-ti⁴ xian³: C⁷ia⁴ nca³ s⁷a⁴ ⁷nti¹ je² xi³ ts⁷e⁴ cjoa⁴tjao², to⁴nco¹son² ma³ cao⁴ cho⁴nta³, nta³ tsa² nai³-le⁴ nca³yi³je².

2 To⁴nca³ tjen⁴ ti¹jna³nqui³ xi³ si¹coi²nta⁴ nca³ je², c⁷oa⁴ xi³ si¹coi²nta⁴-le⁴ tso³jmi²-le⁴, sa³nta³ je² ni⁴čhjin³ xi³ tsa³-c⁷e¹choa⁴ n⁷ai³-le⁴.

3 C⁷oa⁴-ti⁴ ña¹ c⁷ia⁴ nca³ s⁷a⁴ ⁷ntia¹ ti³yo³nqui³ cjoa⁴n⁷ion¹-le⁴² cjoa⁴costumbre xi³ tj¹in¹ son³nte³.

4 To⁴nca³ c⁷ia⁴ nca³ je³coan³jnc³ ni⁴čhjin³, Ni³na¹ qui³si³ca³sen¹ ⁷nti¹-le⁴. Chjon⁴² tsa³c⁷e¹. Qui³tsin³nqui³ cjoa⁴te¹xo³ma³.

5 Ni³na¹ qui³si³ca³sen¹ ⁷nti¹-le⁴ jme¹-ni³ nca³ c⁷oa⁴-s⁷in² c⁷oe⁴²chji¹ntjai²-si¹ni³ xi³ tjio¹nqui³ cjoa⁴te¹xo³ma³, c⁷oa⁴ jme¹-ni³ nca³ xti³-le⁴ c⁷oin¹-si¹ni³na³.

6 Ni³na¹ qui³si³ca³sen¹j¹in³ ni⁴ma⁴-no³ je² Espíritu-le⁴ ⁷nti¹-le⁴, je² xi³ c⁷oi⁴tso²: Abba, N⁷ai³, nca⁴ jon² nio¹³ xti³-le⁴.

7 Nt⁷ai⁴-ntai⁴ a³li² ti⁴cho⁴⁷nta³-ni³. Ji³ ni¹³ ⁷nti¹-le⁴. Tsa² ⁷nti¹-le⁴, c⁷oa⁴-ti⁴ s⁷e⁴-li² cjoa⁴tjao² xi³ ts⁷e⁴ Ni³na¹ xi³ to^{4t}a³ts⁷e⁴ Cristo.

Pablo v⁷e¹ne² nca³ tsi² si⁴²c⁷o¹fa³ya³t⁷a³ nqui²ntia³-le⁴ je² cjoa⁴ xi³ yo⁴ma⁴

8 Nca³s⁷a⁴ c⁷ia⁴ nca³ tsi² tsa³⁷yao³ Ni³na¹, c⁷oa⁴-s⁷in² coan³chjen¹-lao⁴³ je² xi³ to⁴xa¹ cjoan³-ni³ nca³ li² ni³na¹-jin².

9 To⁴nca³ nt⁷ai⁴-vi⁴, nca³ je³⁷yao³ Ni³na¹, to⁴sa³ je² Ni³na¹ xi³ ve³-no³, a¹-ni³ nca³ si⁴c⁷o¹fa³ya³t⁷a³ nqui²ntia³-ni³lao⁴³ je² cjoa⁴costumbre xi³ yo⁴ma⁴ xi³ tsin²-le⁴ nca³n⁷ion¹-jin², xi³ me³-no³ nqui²ntia³ coan⁴chjen¹-nca¹ni³lao⁴³.

10 N⁷ion¹ ti³ni²coi²ntao⁴³ s⁷oi¹-le⁴ ni⁴čhjin³, cao⁴ sa¹, cao⁴ chan⁴, cao⁴ no¹.

11 Cjai¹nca³ tsa³cjoan³ xi³ t⁷a³tsaon⁴³, nca³ to⁴cjoa⁴tjao² nca³ n⁷ion¹ qui³si³xa¹cao⁴-no³ nca³ jon².

Pablo v⁷e¹ts⁷oa³-le⁴ cho⁴ta⁴ gálatas

12 ⁷nti¹nts⁷e³, c⁷oa⁴-s⁷in² v⁷e³ts⁷oa²³-no³, ca²ta³mao³ jo³-ni³ tsa² an³, nca⁴ an³ coan³ jo³-ni³ jon². Ni⁴to⁴jme³-jin² cjoa⁴ts⁷en⁴ qui³ni²cao⁴-nao¹³.

13 To⁴nca³ jon² ⁷ya³-nio¹³ nca³ ch⁷in³ tjin¹-le⁴ yao⁴-na³. Coi³ cjoa⁴ c⁷oa⁴-s⁷in² qui³nchja²ya³jin³-no³ je² en¹nta³ xi³ t⁷a³ts⁷e⁴ Cristo nca³ ti¹tjon².

14 A³li²coi³ coan³si³chao³, ni⁴taon³-jin² tsa³⁷yao³ je² ch⁷in³ xi³ tjin¹-le⁴ yao³-na³, xi³ ñ⁷ain³ qui³s⁷in³-no³. To⁴sa³ qui³chjoe¹tjao²-nao¹³ jo³-ni³ tsa² a²ncje⁴-le⁴ Ni³na¹, jo³-ni³ tsa² Cristo Jesús.

15 Jña¹ ti¹jna^{3-?}ni³ je² cjoa⁴tsjoa^{3-no} xi³ nca³s[?]a⁴. An³ tsjoa³ en^{1-na} t[?]a³tsaon⁴³, tsa² coan^{3-la}sa³ jon² tsa²cai³, qui³ch[?]a²sjao^{3-?}ni³ xcon³, c[?]oa⁴ tsa³c[?]ai^{2-nao}¹³ an³.

16 A³ c[?]oa^{42-s}in² co²ntran⁴ qui^{3-no}³, nca⁴ c[?]oa⁴²qui³xin^{3-no}³ xi³ cjoa⁴qui²xi⁴.

17 Tjin¹ xi³ nta³ v[?]a³sje^{3-no}³, to⁴nca³ li²coi³ nta³ fi²cao^{4-no}³. To⁴sa³ me^{3-le} c[?]oa⁴sje^{3xin}^{2-no}³, jme¹⁻ⁿⁱ³ nca³ jon² nta³ ch[?]a⁴sje^{3-si}^{1nio}³ nca³ je².

18 Cjai¹nca³ to⁴nta³⁻ⁿⁱ³ nca³ nta³ ch[?]a⁴sje^{3-no}³ nca³ntsjai² jña^{3-le} cjoa⁴ xi³ nta³ tjin¹, a³li² tsa² to⁴c[?]ia⁴ nca³ an³ ti²jna⁴cao^{4-no}³.

19 Jon² xi³ [?]nti¹x^{ti}^{3-na}⁴, n[?]ion¹ aon³ ma³nqui³jnc³c[?]a^{2-na}³, jo³ sa^{3?}nta³ c[?]oa^{42-la} ma^{3-le} ya¹nchjin¹ c[?]ia⁴ nca³ v[?]e¹ [?]nti¹, sa^{3?}nta³ nca³ tsen³ jcha^{4-le} nca³ nta³ coain¹cao⁴³ Cristo.

20 Cjai¹nca³ to⁴me^{3-na}³ tsa²cai³ nca³ ya⁴ coa²te⁴jna³cao^{4-no}³ nt[?]ai^{4-vi}ntai⁴. Me^{3-na}³ si³c[?]a³ntjai²ya³ jta^{4-na}⁴, nca⁴ to⁴jao² tjin^{1-na}³ t[?]a³tsaon⁴³.

Je² cjoa⁴xco¹son^{2-le} Agar cao⁴ Sara

21 C[?]oa^{4t}in^{2-nao}¹³ jon² xi³ me^{3-no}³ nca³ coi⁴yo³nqui^{3-lao}⁴³ cjoa^{4te}1xo³ma³, a³ tsi² tsa² ti³no^{2?}ya^{2-lao}⁴³ cjoa^{4te}1xo³ma³.

22 Nca⁴ tji¹t[?]a³ nca³ jao² xti³ qui³s[?]e^{3-le}4 Abrah^{am}, jnc³ xi³ ts[?]e⁴ chjon⁴² cho^{4?}nta³, je² xi³ nqui²jnc³ ts[?]e⁴ chjon^{42-le} cjoan² xi³ tsi² cho^{4?}nta³.

23 To⁴nca³ je² xi³ ts[?]e⁴ chjon⁴² cho^{4?}nta³ to⁴c[?]oa^{4-s}in² qui³tsin³ jo^{3-s}in² tsin³ nca³ts[?]i³ [?]nti¹, c[?]oa⁴ je² xi³ ts[?]e⁴ xi³ chjon^{42-le} cjoan², xi³ tsi² cho^{4?}nta³, qui³tsin³ jo^{3-s}in² Ni³na¹ qui³tsjoa³ ts[?]oa³.

24 Je²-vi⁴ cjoa⁴xco¹son² ni¹. Je² ya¹nchjin¹-vi⁴ nco³ya³-le⁴ jao² cjoa⁴ xi³ qui³s⁷e³n⁷ion¹, jnco³ cjoa⁴ xi³ ts⁷e⁴ ni³nto³ xi³ Sinaí¹ mi², coi³ xi³ ma³nco¹son² je² chjon⁴² xi³ c⁷oa⁴-s⁷in² tsa³c⁷e¹ n⁷nti¹ xi³ cho⁴⁷nta³ coan³. Je² xi³ Agar¹ mi².

25 Je² Agar xi³ Sinaí xi³ jnco³ ni³nto³ xi³ ya⁴ Arabia se¹jna³, xi³ ti⁴ya⁴ nchja⁴-ni³ Jerusalén xi³ ti¹jna³ nt⁷ai⁴-vi⁴, nca⁴ je² c⁷oa⁴-s⁷in² cji³ma³chjen¹n⁷ion¹, nca³ cho⁴⁷nta³ ma³ cao⁴ xti³-le⁴.

26 To⁴nca³ je² Jerusalén xi³ ts⁷e⁴ nc⁷a¹, ti¹jna³ntai¹, coi³ xi³ na⁴-na¹ nca³ts⁷ja³².

27 Nca⁴ tji¹t⁷a³: Ca²ta³ma³tsjoa³-li² xi³ n⁷nti⁴, xi³ tsi² n⁷nti¹ v⁷ai². Chji¹⁷ntia¹coai⁴ cjoa⁴tsjoa³ ji³ xi³ tsi² n⁷nti¹ ti³v⁷ai², nca⁴ nqui²sa⁴ ncjin² coan⁴ xti³-le⁴ chjon⁴² xi³ tsi² ti¹jna³cao⁴ x⁷in⁴-le⁴ nt⁷ai⁴ cao⁴-ni³ tsa² je² xi³ ti¹jna³cao⁴ x⁷in⁴-le⁴.

28 n⁷nti¹nts⁷e³, c⁷oa⁴-ti⁴s⁷in²ni³ ña¹ jo³ni³ tsa² Isaac, ja⁴xti³-le⁴ ma³² t⁷a³ts⁷e⁴ xi³ Ni³na¹ qui³tsjoa³ ts⁷oa³.

29 Je² ni⁴chjin³-ve⁴ je² xi³ qui³tsin³ xi³ t⁷a³ts⁷e⁴ yao³-na¹ qui³tjen⁴nqui³ co²ntran⁴-le⁴ je² xi³ qui³tsin³ t⁷a³ts⁷e⁴ Espíritu Santo, c⁷oa⁴-ti⁴chon³ nt⁷ai⁴-vi⁴.

30 To⁴nca³ jo¹ tso² xon⁴ Escritura. Chja⁴⁷a²xin²³ je² chjon⁴² cho⁴⁷nta³ cao⁴ n⁷nti¹-le⁴, nca⁴ tsi² tsa² jme³ xi³ tjoe¹cjoa⁴tjao²-le⁴ je² n⁷nti¹-le⁴ chjon⁴² cho⁴⁷nta³, to⁴sa³ tjoe¹cjoa⁴tjao²-le⁴ n⁷nti¹-le⁴ chjon⁴² xi³ tsi² cho⁴⁷nta³.

31 C⁷oa⁴² nt⁷ai⁴-vi⁴ n⁷nti¹nts⁷e³, a³li² xti³-le⁴ chjon⁴² cho⁴⁷nta³-jian². Ña¹ nia¹ xti³-le⁴ chjon⁴² xi³ tsi² cho⁴⁷nta³-ve⁴.

5

N⁷ion¹ coi⁴yo³jin³-le⁴² je² cjoa⁴ntai¹-ve⁴ xi³ Cristo

tsjoa¹-na¹.

1 Xi³ t⁷a³ts⁷e⁴ je² cjoa⁴ntai¹-ve⁴ Cristo qui³si³c⁷e¹yo³ntai¹-na¹. Ña³qui³ n⁷ion¹ ti⁴yo³jin³-lao⁴³ je² cjoa⁴ntai¹-ve⁴. A³li² ti⁴v⁷ai²?nte³-jin²nio³ nca³ ya¹ yugo s⁷e⁴nqui³ nqui²jnc³c⁷a² ya¹sion³ nca³ cho⁴?nta³ coaon⁴³.

2 Coe⁴-ni³ an³ Pablo xi³ xin³-no³, tsa² cjoa⁴circuncisión coan⁴-no³, Cristo li²jme³ chji¹-le⁴ t⁷a³tsaon⁴³.

3 Nqui²ntia³ ti⁴n⁷ion¹ c⁷oa⁴ti²xin³-nca¹ni³le⁴ nca³ts⁷i³ xi³ cjoa⁴circuncisión coan⁴-le⁴, nca³ cjoa⁴n⁷ion¹ tj¹in¹-le⁴ nca³ si⁴?tjo³son² nca³yi³je³ cjoa⁴te¹xo³ma³.

4 Ña³qui³ qui³cha³?a²xin²jin³-lao⁴³ yao³-no³ Cristo, jon² xi³ to⁴t⁷a³ts⁷e⁴ cjoa⁴te¹xo³ma³ ni²cje³t⁷ao³ je¹-no³. Ña³qui³ qui³tsao³t⁷a³xin²-lao⁴³ cjoa⁴nta³-le⁴ Ni³na¹.

5 Xi³ to⁴t⁷a³ts⁷e⁴ je² Espíritu Santo ña¹ ti³cho³ya²-le⁴² nca³ cjoe⁴t⁷a³ je¹-na¹ xi³ to⁴t⁷a³ts⁷e⁴ nca³ ma³cjain¹-na¹.

6 Nca⁴ ti³yo³coa⁴² Cristo Jesús, ni⁴je²-jin² cjoa⁴circuncisión chji¹-le⁴, ni⁴je²-jin² xi³ tsi² cjoa⁴circuncisión, to⁴je² jo³-s⁷in² ma³cjain¹-na¹ xi³ nta³ ma³chjen¹ to⁴t⁷a³ts⁷e⁴ nca³ tsjoa³cha³².

7 Cjai¹nca³ to⁴nta³ tsa³nquin¹cao⁴³ yao³-no³. C⁷oa⁴ ?ya¹-ni³ xi³ tsa³c⁷e¹chjoa²-no³ nca³ tsi² tsa² ni²tjo³son²-si¹nio³ xi³ cjoa⁴qui²xi⁴.

8 Li²coi³ c⁷oa⁴-s⁷in² tsa³c⁷e¹ne²-no³ je² xi³ qui³nchja⁴-no³.

9 I⁴tse¹ na⁴?yo⁴san³ xi³ s⁷e³jin³ nio⁴xti²la⁴ ña³qui³ si¹jcha¹ nca³yi³je³.

10 An³ n⁷ion¹t⁷a³con³-no³ xi³ to⁴t⁷a³ts⁷e⁴ Nai³-na¹, nca³ to⁴nco¹son²-s⁷in² cho¹son²-ni³lao⁴³ jo³-ni³ tsa² an³. Je² xi³ si³ si¹cao⁴-no³, c⁷oa⁴-s⁷in² s⁷e⁴jna³-le⁴ cjoa⁴ñ⁷ain³, to⁴ya³-ni³ve⁴ to⁴jo³ cji³-ni³.

11 C⁷oa⁴ an³, nts⁷e³, tsa² to⁴jo³ c⁷oa⁴²-s⁷in² ti²nchja²ya³-nia³ xi³ cjoa⁴circuncisión tsa²cai³, a¹-ni³ to⁴jo³ tjio¹ma³tjen⁴nqui³ co²ntran⁴-si¹ni³na³ nca³ je². A³ tsi² tsa² c⁷oa⁴-s⁷in² ji³tjo³xin²-le⁴ je² cjoa⁴jti³cha³ xi³ t⁷a³ts⁷e⁴ cro².

12 Je² xi³ c⁷oa⁴-s⁷in² si¹qui³tson¹-no³, ca²ta³te³t⁷a³ yao³-le⁴.

13 Jon² nts⁷e³, qui³no²cjoa⁴-no³ nca³ coi⁴yo³ntao¹³, to⁴nca³ a³li² ni²chjen¹-jion²³ cjoa⁴ntai¹-no³ jo³-s⁷in² me³-le⁴ yao³-no³, to⁴nca³ to⁴c⁷oa⁴-s⁷in² ti⁴chjen¹-nca³ñao¹³ cao⁴ cjoa⁴tjao²cha³ t⁷a³ts⁷e⁴ xi²nquio⁴³.

14 Nca³yi³je³ cjoa⁴te¹xo³ma³ vi³tjo³son² cao⁴ nca³ to⁴jnc³ en¹-ve⁴: Tjao²cha³ t⁷iain⁴ xi²nqui⁴ jo³-s⁷in² tjao²chai³ yao³-li⁴.

15 Tsa² nca³ i⁴ nca³ jan¹ chi⁴ne⁴jion³ xi²nquio⁴³, ti⁴coi²ntao⁴³, a³li² c⁷oi⁴-jin²s⁷in² ni²cje³jon³ xi²nquio⁴³.

Je² cjoa⁴nta³ xi³ tsjoa¹j³ni⁴ma⁴-na¹ je² Espíritu Santo, c⁷oa⁴ je² cjoa⁴ xi³ s⁷in¹ yao³-na¹

16 C⁷oi⁴xian³: Ti⁴ma³cao⁴³ nca³n⁷ion¹-le⁴ Espíritu Santo, a³li² to⁴je²-jin² cjoa⁴chi⁴nca⁴-le⁴ yao³-no³ si⁴tjo³son²-lao⁴³.

17 Je² cjoa⁴ xi³ me³-le⁴ yao³-na¹ v⁷e¹chjoa²-le⁴ je² Espíritu Santo, c⁷oa⁴ je² cjoa⁴ xi³ me³-le⁴ Espíritu Santo v⁷e¹chjoa²-le⁴ yao³-na¹. Je² cjoa⁴-ve⁴ fi²co²ntran⁴-le⁴ xi¹ncjin¹, jme¹-ni³ nca³ tsi² c⁷oa⁴s⁷ian⁴-si¹nio³ jo³-s⁷in² nca³ me³-no³.

18 To⁴nca³ tsa² je² Espíritu fi²cao⁴-no³, li²coi³ na³nqui³ ti³yo³-lao⁴³ cjoa⁴te¹xo³ma³.

19 Je² cjoa⁴ xi³ s'in¹ yao³-na¹, tjio¹tsen³, xi³ coi³: Cjoa⁴cha³jnqui³, cjoa⁴jnti¹, cjoa⁴chi⁴nca⁴,

20 xi³ ve³xcon¹ xco¹son², cjoa⁴v⁷e²nta³, cjoa⁴co²ntran⁴, cjoa⁴vi³xcan², cjoa⁴chi⁴ni⁴, cjoa⁴jti³, xi³ fao¹ti³⁷a³, xi³ jao²ya³ tjin¹, xi³ xin² tjio¹-le⁴ xi¹ncjin¹,

21 cjoa⁴xin²ta³con², xi³ c'en³ si¹c'en³, xi³ cjoa⁴ch'i⁴, je² xi³ to⁴xquia⁴ s'in¹jjin³ s'oi¹, c'oa⁴ je² nca³yi³je³ cjoa⁴ xi³ c'oi⁴²-s'in² cjoan³. To⁴nqui³-ni³ mi³ncha³⁷a³-no³ nca³ ch'ao³ tjin¹, jo³-s'in² to⁴nqui³-ni³ qui³nchja²ya³jjin³-no³, nca³ je² xi³ c'oa⁴tjio¹s'in¹ nca³ntsjai² li²coi³ s'e⁴cjoa⁴tjao²-le⁴ cjoa⁴te¹xo³ma³-le⁴ Ni³na¹.

22 To⁴nca³ je² cjoa⁴nta³ xi³ tsjoa¹jjin³ ni⁴ma⁴-na¹ je² Espíritu Santo, xi³ coi³: Cjoa⁴tjao²cha³, cjoa⁴tsjoa³, cjoa⁴ xi³ nch'an¹ tjin¹, c'oa⁴ nca³ ni²cjain¹-le⁴² xi²nquia⁴², cjoa⁴nt'e¹, cjoa⁴nta³, c'oa⁴ nca³ ma³cjain¹-na¹,

23 cjoa⁴⁷i³nta³jjin³ta³con², c'oa⁴ nca³ chjoe¹xcoa¹ yao³-na¹. Tsin² cjoa⁴te¹xo³ma³-jin² xi³ co²ntran⁴ fi²-le⁴ je² cjoa⁴-vi⁴.

24 Je² xi³ ts'e⁴ Cristo jo³-ni³ tsa² xi³ c'en³ta³a³ cro². Ntia³ qui³si³cha³nqui³ cjoa⁴fa³⁷ai³tsjen³ xi³ ts'e⁴ cjoa⁴ts'en⁴-le⁴ cao⁴ cjoa⁴chi⁴nca⁴-le⁴.

25 Tsa² ti³yo³choan³² t'a³ts'e⁴ je² Espíritu Santo, c'oa⁴-ti⁴ ca²ta³vi³ma³coa⁴² nca³n'ion¹-le⁴ Espíritu Santo.

26 A³li²coi³ ti⁴ch'a⁴sje³je³ya³-ni³le⁴² yao³-na¹ xi³ tsi²jme³ chji¹-le⁴. A³li²coi³ ti⁴si⁴jti³ xi³⁷i⁴nca³jan¹-

ni³le⁴² xi²nquia⁴². A³li²coi³ ti⁴coan⁴xin²ta³con³cha³-
nia³² xi²nquia⁴².

6

1 [?]nti¹nts[?]e³, tsa² jnco³ xi³ to⁴ca²ca³jin³sca¹
je¹, jon² xi³ je³nta³ ma³nquin¹cao⁴³ je² Espíritu
Santo, ti⁴nta³cho⁴ta⁴ nqui²jnco³c[?]ao² cao⁴
cjoa^{4?}i³nta³jin³ta³con²-no³. Nta³ ti⁴cja^{3?}ai³tsjen³-
lao⁴³ yao³-no³ nca³ ti⁴jon²-nio³, jme¹-ni³ nca³ tsi²
tsa² c[?]oa⁴-ti⁴ jon² si⁴²cao⁴-si¹ni³no³.

2 Ti⁴ncha³cao⁴ nca³ñao¹³ cjoa⁴ xi³ jo³ ch[?]a¹-s[?]in²
cji³ne²-le⁴ xi²nquio⁴³. C[?]oa⁴-s[?]in² si⁴tjo³son²³ je²
cjoa⁴te¹xo³ma³-le⁴ Cristo.

3 Je² xi³ si¹cja^{3?}ai³tsjen³ nca³ to⁴je² xi³ chji¹-le⁴,
c[?]oa⁴ nca³ tsi² tsa² jme³-ni³ chji¹-le⁴, to⁴yao³-le⁴
v[?]a³na⁴cha⁴-le⁴.

4 C[?]oa⁴-s[?]in² jnco¹jnco¹ ca²ta³co³t[?]a³ xi³ ti⁴ts[?]e⁴-
ni³ xa¹. C[?]ia⁴² s[?]e⁴-le⁴ cjoa⁴je³ya³ xi³ to⁴t[?]a³ts[?]e⁴
xa¹le^{4?}ni³. A³li² to⁴t[?]a³ts[?]e⁴ xa¹-le⁴ xi³c[?]a³-jin²
v[?]a³sje³je³ya³-ni³ yao³-le⁴.

5 Nca³ jnco¹jnco¹ ca²ta³v[?]a³mi³ ch[?]a¹ xi³ ti⁴ts[?]e⁴-
ni³.

6 Je² xi³ je³qui³sco²t[?]a³ya³ je² en¹ xi³ t[?]a³ts[?]e⁴
Cristo, ca²ta³tsjoa¹ nca³ñā¹-le⁴ je² xi³ qui³tso²ya³-le⁴.
Ca²ta³tsjoa¹ jñā³-le⁴ nca³yi³je³ xi³ nta³ tjin¹.

7 A³li² ch[?]a²na⁴cha⁴-jin²sa³lao⁴³ yao³-no³. Ni³na¹
a³li²coi³ taon³ [?]ya³. Je² nca³yi³je³ xi³ c[?]oe⁴²ntje²,
cho⁴ta⁴ c[?]oa⁴ti⁴-s[?]in² ti⁴coi³ c[?]oe⁴²xco¹-ni³.

8 Je² xi³ t[?]a³ts[?]e⁴ yao³-le⁴ v[?]e¹ntje², c[?]oa⁴-ti⁴s[?]in²
ts[?]e⁴ yao³-le⁴ c[?]oe⁴²xco¹-ni³ xi³ chi³tson³ya³. To⁴nca³
je² xi³ t[?]a³-ts[?]e⁴ Espíritu Santo v[?]e¹ntje², c[?]oa⁴-

ti⁴s[?]in² ts[?]e⁴ Espíritu Santo c[?]oe⁴xco¹-ni³ je² xi³ tsjoa¹-le⁴ cjoa⁴vi³jna³chon³ nca³ntsjai².

⁹ A³li² cho¹ve³-jin²na¹ nca³ nta³ s[?]ian⁴². C[?]ia⁴ choa⁴-le⁴ c[?]oe¹xcoa¹, tsa² tsi² coi⁴jta³-na¹.

¹⁰ Tjen⁴ nca³ s[?]e⁴-sa³na¹ [?]nte³, nta³ si⁴xa¹ t[?]a³ts[?]e⁴ nca³ts[?]i³. To⁴sa³ n[?]ion¹ si⁴xa¹ t[?]a³ts[?]e⁴ je² xi³ c[?]oa⁴-ti⁴ ma³cjain¹-le⁴.

To⁴je² cro²-le⁴ Jesucristo xi³ Pablo v[?]a³sje³je³ya³-ni³yao³-le⁴

¹¹ Ne³⁴-si³ cjoan³ y[?]ai³ letra xi³ ntsa⁴ ca²cji³-ni³no³.

¹² Je² nca³ts[?]i³ xi³ to⁴me³-le⁴ nca³ nta³ v[?]a³sje³yao³-le⁴ nqui³xcon⁴ xi³c[?]a³, je²-vi⁴ xi³ n[?]ion¹ v[?]e¹ne²-no³ nca³ cjoa⁴circuncisión coan⁴-no³, jme¹-ni³ nca³ tsi² tsa² cjoa⁴a²-si¹ni³le⁴ cjoa⁴ñ[?]ain³ xi³ to⁴t[?]a³ts[?]e⁴ cro²-le⁴ Cristo.

¹³ Li²coi³ si¹qui³tjo³son² cjoa⁴te¹xo³ma³, ni⁴nta³ tsa² ti⁴je²-ni³ xi³ cjoa⁴circuncisión coan³-le⁴. To⁴nca³ me³-le⁴ nca³ jon² cjoa⁴circuncisión coan⁴-no³, jme¹-ni³ nca³ c[?]oa⁴-s[?]in² c[?]oa⁴sje³je³ya³-si¹ni³yao³-le⁴ xi³ to⁴t[?]a³ts[?]e⁴ yao³-no³ nca³ jon².

¹⁴ To⁴nca³ an³ cjai¹nca³ to⁴xin² ti¹jna³-na³ nca³ c[?]oa³sje³je³ya³ yao³-na⁴. Ni⁴jme³-jin² xi³ cja⁴ai¹ xi³ v[?]a³sje³je³ya³-nia³ yao³-na⁴, to⁴je² cro²-le⁴ Nai³-na¹ Jesucristo. Son³[?]nte³ ya⁴ je³t[?]a³-na³ nca³ an³ ya⁴t[?]a³ cro², c[?]oa⁴ an³ je³t[?]a³-le⁴ son³[?]nte³ ya⁴t[?]a³ cro².

¹⁵ Nca⁴ ti³yo³coa⁴² Cristo Jesús, ni⁴je²-jin² cjoa⁴circuncisión chji¹-le⁴, ni⁴je²-jin² xi³ tsi² cjoa⁴circuncisión, to⁴je² xi³ s[?]e³nta³ cho⁴tse⁴ xi³ chji¹-le⁴.

16 Ca²ta³njen³nch[?]an¹jin³ ni⁴ma⁴-le⁴, c[?]oa⁴cjoa⁴ma⁴ta³con² ca²ta³sa³co¹-le⁴ nca³ts[?]i³ xi³ c[?]oa⁴-s[?]in² tjio¹ma³ jo³ tso² en¹ je²-vi⁴, c[?]oa⁴ je² cho⁴ta⁴ Israel xi³ ts[?]e⁴ Ni³na¹.

17 Xi³ fi²-sa³ni³, ni^{4?}ya³-jin² xi³ si⁴²jti³-na³, nca⁴ an³y[?]a³ yao³-na⁴ je² choa⁴ xi³ t[?]a³ts[?]e⁴ je² Nai³-na¹ Jesús.

18 [?]nti¹nts[?]e³, je² cjoa⁴nta³-le⁴ Nai³-na¹ Jesucristo ca²ta³s[?]e³-le⁴ ni⁴ma⁴-no³. C[?]oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

69c7ee6e-d3c3-563f-a672-6ad58122d8ed